

docriver 文川网  
古籍书城  
入驻商家  
获取更多电子书  
在文川网搜索古籍书籍

分  
類  
目

中國方志叢書·華中地方·第三六一號

據

清·王庭楨修，雷春召纂  
光緒十一年刊本


影印

湖北省

# 施南府志續編

(全)

成文出版社有限公司印行



中華民國六十五年 月壹一版

# 施南府志續編

全 冊

發行人：**黃 成 助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

出 於 卷 續 編 於 南 府

docsriver 文川网  
入驻商家 古籍书城

在文川网搜索古籍书城 获取更多电子书

好月羅羅  
龍龍門國

施南府志續編序

予守施南之五年值巡按彭大中丞督  
修湖北通志核各郡以共志上施南黨志  
蓋說同治十年者通志幾百年而始一修  
不忍今十年以後之宜志毋不與共感也  
是有續志之編延雷學楷喜治王之應  
三月有餘稿甫畢劍而予以九年移守武

男女明年施人以志稿寄予寔宜予閱之  
終是至藝文門有可謂王公政績碑王公  
出思碑考視其名則為存稿予駭嘆久之  
死乃進施人而告之曰州物之志幸切乞而修  
所以備通志之採而與之

朝廷者也欽惟我

國家

別查相承勤恤民隱  
共訊奸宄方崇獎循  
良務  
生考心實政悃悛無華

世宗憲皇帝

高宗純皇帝  
厲詔禁部民為卒  
友製初勤研  
嘉慶七年御史朱紱  
請寬禁

仁宗睿皇帝  
後守令  
後司民牧  
分應  
盡潔自  
夫接官為  
德累有  
害政及  
民自必  
口碑  
此以



天語

道不修者，將飾之諭，蓋不專以飾之繁文，馳居官能，其用意至深且遠。立訓至明且切也。如此煌煌。

書法考錄，歲之史，歲在何人，輒累郡人士，冒禁刊碑，毋不敬居也。法考通鑑，載唐時，考好吏民，為宋琮立遺書碑，琮上言，臣在為世，其異跡，教下禁止，夫以

宋廣平夫人多時又多刊碑之禁而且云  
欲禁此風世自巨如唐初視廣平何如獨  
甘冒恥妻誣君之學乎存一碑於藝文  
重唐初罪多若碑且宜仆况張大其文而  
學之志以示末若乎愛馬而重其罪施  
人若謂之何抑掩人耳是率予其蓋掩  
之為府始乾隆元年其前無論矣為

將之後一光於嘉慶元年之友近再援於  
載通二十一年之粵逆雖時官形土者殺死  
扶傷口不暇給郡城坊塔如來及來風克後  
始末載在前志可考也而予幸告無事  
與民休息以平易道路修舉廣隊去之  
解力身及諸名蹟之在郡者暇不能遍  
考及施人士於世間苟宣其學皆澤壽

而鐫碑之更唱迭和蔚然可觀雖不敢謂  
一時之感而民幸太守之不為煩苛茲稱  
是若徜徉山水之樂者或未容以遽息也  
嗚乎藉以挽人之純樸易於遺予以安靜  
而便予之拙予曷克有是而昭予以施人  
能一日忘哉况挽人之不忘於予也且如  
是為第去之碑文且稍更其體例乃序

而歸之以後施人之不予忘與予之不忘  
施人者志事則尹比部善衡誓訂之  
力為多詳具而著琬言言不備述

光緒十年歲次甲申秋九月前知施南  
府事無錫王庭楨撰并書



施南府志續編序

方志之以續名者莫古於宋時朱  
長文之吳郡圖經續記其後會稽  
有寶慶續志蓋張湜所撰於前志  
補其遺逸廣其疏略正其譌誤  
四庫全書提要稱其不漏不支叙  
次有法尚矣它若明人黃璿之建

陽續志名繼前志實則體例各殊  
張愷之常州府志續集則且見舊  
志者不錄無錫王君子泉之來守  
施南也當光緒三年越五年而大  
府督脩湖北通志府州縣例各以其  
志上王君擇郡之謹厚而文者哀  
錄自同治十年以後連綴舊志是

為施南府志續編蓋仿明黃張二志  
而所謂正譌誤補遺逸亦往々因事  
以見其撰述大旨具尹比部壽衡志  
例瑣言在今方志中庶幾能謹嚴  
有規矩者初稿甫創而余來代君  
既為之整比乃舉付郡人鋟板會  
垣而為叙其簡端曰施南之等於



要荒久矣乾隆朝始建為府與宜  
昌相唇齒蓋用以通楚蜀之援厚  
巴夔之勢者顧其地山川環結內迫  
險阻自古用兵由巴蜀瞰荆楚者恒  
取道焉以出奇則邊防顧不重哉余  
向者下車伊始於郡城之宜加脩葺  
者既已竣事矣然邊防尤倚積貯

docsriver 文川网  
入驻商家 古籍书城

在文川网搜索古籍书城 获取更多电子书




不此之務猝遇小警為清野入保之  
計鳥道羊腸向所謂得地形者今  
反以梗吾轉輸懸罄之室何恃而  
不恐哉故嘗欲為各屬邑備倉穀  
萬石以上郡城則三倍之又以為  
邑所隸鄉村宜各有社義倉之建  
議未及上將受代以吾心滋恐焉夫

備御素具積萬全之勢俾黠者必  
無幸於一逞窺伺之前永塞枹鼓  
之鳴不譎此為

天子慎固封守者所有事也及身未能  
而異幸繼者力為其創第問於  
國家何如不必其事之自我又拙者之  
恒情而仁人君子所不罪也余既以

廣積貯告施人因埶識如此以諗後  
之久官斯郡而能為兩得為者時余  
去施南之前數日也施人拳之於余  
猶余之拳之施南嗚乎余其重媿此  
施南也夫

光緒十年歲在甲申冬十一月權知  
施南府事巴陵李謙撰并書



擬訂施南府前志瑣言

光緒十年春余奉繼慈諱回籍仲夏至鄂太守王公子  
泉出示施南府志續編稿本雷少泉學博所輯也屬余  
踵成之按前志自宋氏菴始李氏宗汾繼之羅氏德崑  
集其成三廣文於乾道間後先纂修同治十年復經重  
訂其網羅散佚蒐討舊聞考摭引徵固已洪纖畢舉而  
門類參差不能無待於繼起者之整齊也古地志名圖  
經又稱圖志輿地附圖則幅員封畛開卷周知周官司  
徒職方所掌其圖製不可詳晉裴秀禹貢圖今亦僅存

其說 國朝惟胡渭顧祖禹論述圖法得裴氏六體遺旨李兆洛胡文忠諸地圖於計里開方尤精邇來郡縣志多仿之前志輿圖不計里開方建置諸圖不附各門並以八景章之繪事誠爲俗式所囿保章氏以星土辨九州以分星觀妖祥爲歷代史志天文五行之祖劉知幾謂正史不當以天文作志鄭康成謂古數書久亡後世郡國入度皆堪輿家說此又方志不宜志天文之明徵故韓氏朝邑康氏武功兩志不紀星野風土有記物土布利以言乎風俗物產之麗乎地也故阮氏廣東謝



氏廣西兩志皆編入輿地略前志天文立專門輿地不載風俗物產亦所未安今制丁併於地役共賦輸其例一也壇廟之廟典祀之祠廟可賅蠲卹之卹六邑之普濟所寓其義同也金史太和六年創急遞鋪亦置郵遺制也今之鋪遞向有鋪司額兵宜屬武備我朝湖北以割股被旌者自雍正間江夏劉孝子始是亦孝也宜附孝友前志田賦賦役壇廟祠廟蠲卹普濟堂各目一事兩歧徒形複疊又以鋪遞入建置以割股名崎行此與城中坊市不附公署里甲不歸戶口廉俸雜款不

盡注田賦支給項下以及綠營俸餉標目於軍制外歷代兵事雜置於塘汛團練間皆義例之未精者也昔毛西河以蕭山人刊蕭志之誤自顧庸陋何敢效顰而踵謬沿訛殊慮負慚桑梓爰取近世通儒所脩郡縣志上溯唐之元和郡縣志宋之剡錄太平寰宇記及澉水臨安二志與元之齊乘而以湖北廣東廣西江西各通志參觀之析其門類為目錄瑣言附於左方

輿地志

表圖附

沿革

疆域

星野

山川

形勝附

古蹟

冢墓附

風俗

施南府志續編

物產

昔戴氏震謂沿革不明則山川人物無一不誤沿革全志眉目也前志誤置形勝之後今正之沿革既明申畫有據附以輿圖始詳疆域亦猶坤輿之有圖說焉談星野者各執一詞湖北通志恭錄 欽定明史天文志語九十餘字存而不論則蘇平仲有分星無分野之說無庸置辨矣山川綿歷境內參鄺道元水經註及禹貢九州之法以鎮山定方位以巨川溯源流以距城里數計遐邇各具一圖圖不能盡則仿土訓誦訓繫之以說斯

脈絡分明羣山支流得所宗主青烏家南北幹太少祖  
分水合水諸說猶能附會之前志於水之大者源流昭  
晰惟僅清江有圖而鎮山未舉豈班氏推表山川遺意  
乎形勝因山川而具者也一郡形勝無多擬附志之洪  
亮吉謂明代諸賢地志簡略故城舊瀆棄之如遺此元  
迺賢河朔訪古明李濂汴京遺蹟諸書所由傳也至若  
封墓禁樵亦憑弔者所寄慨則冢墓可附古蹟荆楚歲  
時閩中海錯記疏各以地傳則風俗物產宜屬輿地

建置志 圖附

城池

公署

坊市附

壇廟

寺觀附

善堂

鄉鎮

津梁

渠附

關隘

施南自雍正十三年設府以來宣恩向無城池咸豐僅  
 土城利川城久圯建始有池而城亦圯公署則未盡脩  
 葺建置之難也三輔黃圖王士點禁扁所由特書乎潛  
 氏說友臨安志城池公署兼詳行在所錄其志中社稷  
 祠廟則壇廟也郵民諸局則善堂也坊巷鎮市則坊市  
 鄉鎮也橋渡巖嶺則津梁關隘也茲併入建置其由人  
 及神由近及遠之義與潛氏大旨悉可互證橋渡暨育

嬰諸堂前志以義舉標目附列捐脩姓名茲擬改義舉  
為善堂以捐脩橋渡諸堂姓名分注津梁善堂各條下  
以義舉行誼兩門好善樂施之有傳者載人物志義行  
中庶使各有所歸他志於寺觀或不載或載雜紀今附  
壇廟亦神道設教之意洛陽伽藍記前人有為之者方  
志所不廢也

經政志

- 戶口 附里甲
- 田賦 附支給
- 雜稅
- 鹽法
- 倉儲
- 蠲卹

政之大而常者皆為經古者力役之征準諸民數漢口

docsriver 文川网  
入驻商家 古籍书城

在文川网搜索古籍书城 获取更多电子书

算晉戶調所由制也族師比長昉自周官漢之里魁今  
曰里甲戶口稽焉明嘉靖間姜性奏行條編法張江陵  
執政始力行之其會稽錄合戶口田賦爲一事 國朝

順治十四年因明制折中立法定賦役全書分上中下  
三則又有水鄉山鄉二則雍正七年湖廣總督邁柱奏  
准丁隨糧派良法美意均爲萬世所利賴施南山鄉也  
地多下則自乾隆三年定賦額地丁錢糧雜稅以次詳  
備徵輸之供支給者僅什一焉常平社義諸倉前志所  
載儲積數難盡符續編尤爲核實朱子社倉得劉如愚



而效著存乎其人耳郡屬例食川鹽接壤運銷價廉民  
便自川引淮綱分爭楚岸價倍於昔時使之然也至若  
兵災旱潦 詔沛恩膏境內孤貧堂名普濟前志恭紀  
於蠲郵門益見 國家深恩厚澤淪洽山陬為曠代所  
未有也夫

學校志

學宮

學田賓  
與附

試院

院試經  
費附

書院

義學  
附

學額

周衰學廢漢至武帝始命郡縣立學校官其置弟子員  
於郡縣未詳其數後魏乃有大郡中下郡之分唐則以